



Gemma apud Phrysijs natus & honestè educatus fuit. Is cum prima rudimenta in patria didicisset, sese Louanium contulit, atq; Mathematicis disciplinis magna diligētia incubuit. Huic etiam studio Medicam facultatem coniunxit, & in utrisq; præclarā sibi eruditionē comparauit. Itaq; in ea Academia inter professores cooptatus, Mathematica publicè docuit, & præclarum sibi nomen comparauit. Scripsit is Methodum Arithmeticæ: deinde rationem de locis describēdis, deq; eorum distantijs inueniendis. item de usu annuli Astronomici. Chartam etiam siue (ut uulgus uocat) map-

pam, qua continetur generalis totius orbis descriptio, partim ex ueteribus partim recentioribus collegit, atq; singulari artificio Carolo Cæsari nuncupatam, Louanij 1540 publicauit. Hoc modo factum ut Cæsari gratissimus esset, atq; sua præsentia eam scholam plurimùm exornaret. Con. Gess.